

appendix, ut jam satis ostendimus, ad publicam tantum Poenitentiam pertinebat.

Deinde non sustulit Nectarius, nisi id, quod necessarium erat ad sedandum populi tumultum ex occasione defecti illius flagiti excitatione; ad hoc autem satis superque erat, de medio tollere Confessionem et Poenitentiam publicam, neque enim ex Confessione Poenitentiaque privata ullus tumultus exiri poterat.

Tertio, post Nectarii tempora mansit semper in Ecclesia Graeca, usus Confessionis private, ut perspicuum ex est Chrysostomo, Niccephoro, Cartophylace, Concilio Trullano, aliisque testimonis supra citatis. Nulla autem historia refert, ab ullo Episcopo vel Concilio revocatum esse ac retractatum id quod Nectarius fecerat: non igitur abrogaverat ille Confessionem privatam.

Quarto Sozomenus, qui fusius historiam istam conscripsit, et quem adversarii potissimum citant, affirmit Deum ipsum praecipisse, ut poenitentibus venia daretur, et necessarium esse Confessionem: idem autem Sozomenus non reprehendit Nectarium, ut eversorem juris divini, sed tantum dubitanter et modice illum carpit, quod occasio n sustulerit peccata invicem arguendi. Neque ullus alius scriptor in tot annorum centurias Nectarium accusavit: quod certe multi fecissent, si rem tam necessarium, et ab Apostolorum temporibus in Ecclesia frequentatam, ipse unus Episcopus abrogare tentasset.

Quinto ipsi etiam adversarii non admittunt homines ad Eucharistiam, nisi prius exploratos, ut intelligi potest ex Philippo in Confess. Augustana art. de Confessione, ubi sic ait: « Confessio apud nos non est absoluta: non enim solet porrigi corpus Domini, nisi ante exploratis, et absolutis. » Item ex Calvinio, quib. iii. Instit. cap. 4. § 13. sic ait: « Interim quin sistant se oves Pastori quoties sacrum Cenam participare volunt, adeo non reclamo, ut maxime velim hoc ubique observari. » Quis igitur credit Nectarium tam fuisse imprudentem, ut non videret, quam malum esset, permittere unicuique accessum ad sacra mysteria, sine ulla purgatione ac reconciliatione? Haec de historia Nectarii hoc loco sufficient.

Non ignoro Thomam Waldensem in II. tomo, cap. 441. in ea sententia fuisse, ut existimat, a Nectario Confessionem simpliciter abrogatam fuisse, eumque in ea re-

graviter errasse, sed non facile id concedetur, tum quod Nicolaus Papa in epistola ad Photium, qua recitat in VIII. Synodo act. 4. Nectarium vocet Haereticorum expugnatores et Ecclesiarum defensorem; tum quod Nectarii sententiam S. Joannes Chrysostomus apertissime tueatur, ut in sequenti capit. ostendimus; tum denique, quod Nectarii sententiam omnes Orientis Ecclesia secuta sint.

Scio etiam, quibusdam visum esse, totam historiam esse confitamna Socrate: sed non facile adduci possum, ut credam historiam illam falsam esse, que tum scribatur, cum adhuc viventer, qui rei gestae interfuerant; prasertim cum res, que narratur, non in angulo aliquo, sed in urbe celeberrima, conscientia populo universo, contigisse dicatur.

## CAPUT XV.

### Solitus argumentum III. Joannis Calvinii.

Pergit Calvinus in eodem capite sectione 8. et adducit Chrysostomum: « Hanc, inquit, abrogationem tot locis evidenter Chrysostomus testatur, Constantinopolitanus et ipse Ecclesiae presul, ut mirum sit, istos audere contra mutare. Peccata tua, inquit hom. 2. in Psal. 50. dico ut deelas illa. Si confundaris alicui dicere, que peccasti, dicio quotidie ea in anima tua: non dico, ut confitearis conservo tuo, qui exprobret; dico Deo, qui curat ea. »

Addit ibidem Calvinus alia loca similia ejusdem Chrysostomi, ex serm. de Poenitentia et Confessione, item ex homil. 3. de incomprehensibili natura Dei, item ex hom. 4. de Lazaro. Addit Philippus in Confess. August. artic. de Confessione alium locum similem superioribus, ex hom. 31. cap. 12. epist. ad Hebreos.

Respondeo, Chrysostomum, qui Nectarii successorem se agnoscet, diligenter, ut per erat, iudicium praedecessoris sui defendere voluisse, sic tamen, ut veritati, et fidei nulla in re detrimentum afferret. Quemadmodum igitur Nectarius non Confessionem privatam, sed publicam abrogavit, sic etiam Chrysostomus passim Confessionem publicam carpit, privatam autem nusquam reprehendit. Id perspicuum est ex omnibus locis, qua-

## CAPUT XV.

vel objecta sunt ab adversariis, vel objici: potinssent. Nam hom. 2. in Psal. 50. cum ait: « Non dico, ut confitearis conservo tuo, qui exprobret », aperte indicat se loqui de Confessione publica, ex qua exprobatio sequisebat. Nam ut refert Origenes hom. 2. in Psal. 37. cum publica fieret Confessio, non deerant qui exprobarent: « Si hujusmodi, inquit, homo memor delicti sui, confiteatur quae commisit, et humana confusione parvus pendat eos, qui exprobant eum confidentem, et notant, vel irrident etc. » Ex ipsa autem Confessione nulla sequi potest exprobatio, tum quod sine testibus ea confessio fiat, tum quod arcitissimum vinculo teneantur Sacerdotes altissimo silentio tegere, que in privata Confessione audiuntur. Quid igitur Chrysostomus aut hom. citata in Psalm. 50. Si confundaris alicui dicere, quia peccasti, intelligi debet ad hunc modum: Si confundaris alicui dicere, qui exprobare possit, id est, publice, ut ipse continuo explicat, cum ait: « Non dico ut confitearis conservo tuo, qui exprobret. »

Idem Chrysostomus homil. de Poenitentia et Confessione, qui est secundus locus de Calvinus adductus, sic ait: « Nunc autem neque necessarium, praesentibus testibus confiteri etc. » ubi videmus, confessionem illam improbari, que fit coram testibus, quamque Nectarius abrogaverat: siquidem verba illa: « Nunc autem neque necessarium », notant, aliquando fuisse necessarium coram testibus confiteri, sed eam necessitatem tunc fuisse sublatam.

Item hom. 3. de incomprehensibili natura Dei: « Non te, inquit, in theatrum conservorum tuorum duco, non hominibus peccata tua detegere cogo. » Hic etiam cerneatur est, quam aperte Chrysostomus alludat ad illam veterem Episcoporum constitutionem, qui teste Sozomeno in Tripart. lib. ix. cap. 35. voluerant, ut quasi in theatro peccata pandarent: quam constitutionem Nectarius, ut sepe diximus, abrogavit.

Item in hom. 4. de Lazaro: « Cave, inquit, homini dixeris, ne tibi exprobret ». Et infra: « Non cogo te in medium prodire theatrum, ac multis adhibere testes: mihi soli die peccatum privatum etc. » Idem hom. 31. in epistol. ad hebreos: « Non tibi, inquit, dico ut te prodas in publicum; neque ut te apud alias accuses ». Idem homil. 8. de Poenitentia: « Non reveles, inquit, ales, cum dolore et lachrymis confiteri Deo, et sic satisfacere, adjunctis precibus, eleemosynis,

producas, non delictorum testes statuas ». Idem hom. de publicano ad cap. 48. Lucæ: « Admoneo te ut assidue confiteare: neque enim te ad theatrum duo conservorum tuorum etc. » Ex his locis evidenter colligitur, Chrysostomum de publica Confessione loqui, cum a confessione hominibus facienda potulum dehortatur.

At, inquit, Confessioni, quæ fit hominibus, Chrysostomus opponit Confessionem, que fit soli Deo in anima, sive intra conscientiam confidentis, cogitatione, non lingua; igitur excludit omnem confessionem que fit hominibus, sive publicam, sive privatam: non enim Confessio privata facta coram Sacerdote, dici potest facta esse in anima, sive intra conscientiam, sive cogitatione, non lingua. Verba ejus sunt hom. 2. in Psalm. 50. « Si confundaris dicere alieni quia peccasti, dicio ea quotidie in anima tua. » Homil. de Poenitentia et Confessione: « Nunc autem neque necessarium est praesentibus testibus confiteri: cogitatione fiat delictorum exquisitio: absque teste sit hoc iudicium: solus te Deus confidentem videat ». Hom. 31. in epist. ad Hebreos: « Ante Deum confitere peccata tua: apud verum Judicem cum oratione delicta tua pronuntia, non lingua, sed conscientia tua memoria ». Homil. 8. de Penit. « Non delictorum testes statuas: intus in conscientia, astante nemine, prater eum, qui cuncta videt, Deum, reforma quod deliquisti. »

Respondeo: Chrysostomum in his locis opponere Confessioni publica, confessionem, que fit soli Deo in conscientia, sine sono verborum: quia non loquitur de Confessione, ut ordinatur ad Absolucionem Sacerdotalem, que proprie pars est Sacramenti Poenitentiae essentialis, sed de Confessione ut ordinatur ad confusionem et erubescientiam, que pars dici potest Satisfactionis. Illa enim Confessio publica, quam sustulit Nectarius, non erat instituta, ut per eam Sacerdos cognoscere, peccata poenitentis, et inde recte iudicaret, eset ne poenitens ligandus, vel absolvendus, aut qua Poenitentia imponenda esset: sed solum ut poenitens publica illa confusione accepta, parlement pœnit, quæ peccatis ejus debetur, lucret. Porro Chrysostomus recte monet, non esse necessarium ad ejusmodi finem obtinendum, publice, vel etiam privatim confiteri hominibus: sed satis esse, cum dolore et lachrymis confiteri Deo, et sic satisfacere, adjunctis precibus, eleemosynis,

jejunii, aliisque pii, laboriosisque operibus. Quod autem ad alium finem, nimurum, ut Sacerdos noverit morbos penitentis, quibus medicinam Penitentiae applicare debet; necessaria sit Confessio, ostendimus supra ex lib. 2. de sacerdotio, ejusdem Chrysostomi, nec non ex testimonio, Basili, Nysseni, et aliorum Patrum Graecorum, a quibus nullo modo credibile est Chrysostomum dissidente.

Addo quod si Chrysostomus in locis supra citatis, de Confessione respectu ejuscumque finis loqueretur, non solum nobiscum, et cum tota Ecclesia, sed etiam cum adversariis nostris pugnaret, adversarii enim Confessionem saltem aliquorum gravium delictorum coram Ministro utilissimam, vel etiam necessariam esse censeret; Chrysostomus autem, confessionem coram hominibus non solum dicit non esse necessariam, sed etiam aperte damnat, ac rejet: sic enim loquitur hom. 4. de Lazaro: «Cave homini dixeris, ne tibi exprobret», et hom. 8. de Poenitentia: «Non reveles uelut, non delictorum testes statuas». Quare Chrysostomus solum Confessionem publicam rejicit, ut erat pars quedam Satisfactionis: ex quo sequitur confessionem etiam privatam, non esse necessariam ad illum eundem finem, licet ad alium finem necessariam esse, neque ipse hoc loce neget, et alibi satis aperte confirmet.

## CAPUT XVI.

## Argumentum IV. Calvin.

Post objectionem illam ex Chrysostomo, Calvinus multa disserit in eodem capite, a sectione 9. usque ad 16. de variis Confessionum formis; non pauca etiam more suo, non tam argumentando, quam calumnando, dicit in decretum Concilii Lateranensis. Sectione autem 16. reddit ad argumenta, atque objicit verba illa Psal. 18. *Delicta quis intelligit?* et illa Psal. 37. *Iniquitates meae supergressae sunt caput meum* (1), ex quibus locis ita concludit: «Quia suorum peccatorum nunc suppationem cogitet; ubi Davidem videt suorum numerum inire non posse?» Deinde sectione 17. et 18. rem exaggerat

multis verbis, quæ frusta hoc loco adscriberentur: summa est, enumerationem peccatorum esse impossibilem, et idcirco neque a Deo fuisse imperatam, neque ab Ecclesia imperari jure potuisse.

Sed obiectio ista, qua etiam utitur Philippus in Confessione Augustana, et ceteri sectarii passim, non modo per se tenuis est, sed etiam ex verbis ejusdem Calvini eodem in loco positis, apertissime solvit. Docet enim Calvinus, sectione 18. in Confessione que Deo fit, non satis esse, generatim confiteri ac dicere, Peccator sum: sed oportere quantum in nobis est, singula peccata accurate confiteri. Quod idem Catholici omnes docent de Confessione que fit Sacerdoti. Neque enim jubent omnia omnino peccata enumerari, sed ea solum, que post diligentem excusione memoria occurunt; diligenter autem excusione vocant, quam in rebus gravioribus ordinarie homines adhibere solent. Denique id solum jubent, ut peccata omnia, quantum in nobis est (qua pharsi Calvinus utitur in explicanda Confessione que Deo fit) enumeramus, dum coram Sacerdote conscientiam nostram aperimus.

Quæcumque igitur Calvinus objicit contra enumerationem peccatorum in Confessione que fit homini, eadem objici possunt contra enumerationem peccatorum in Confessione que fit Deo. Num si illa enumeratio est impossibilis, et hec est impossibilis: si illa est crudelis carnificina, et hec est crudelis carnificina: si illa facit hypocritas, et hec facit hypocrita: et contra, si hec ab his incommodis libera est (ut Calvinus dicere cogitur) quia non est facienda, nisi quantum in nobis est: et illa ab his incommodis libera est, quia non est facienda nisi quantum in nobis est: quemadmodum in Confessione que Deo soli fit, post enumerationem eorum, quæ recordaruntur, addimus: «Delicta quis intelligit? ab occulis meis munda me Domine, et, Peccavi super numerum arenae maris:» et tamen omnium peccatorum indulgentiam expectamus: sic etiam in Confessione, quæ fit homini, vel potius per hominem Deo; post enumerationem eorum quæ recordaruntur, addimus: «Delicta quis intelligit etc.» et nihilominus integrum peccatorum omnium indulgentiam expectamus.

(1) Psal. XVIII, 13; Psal. XXXVII, 5.

## Diluitur argumentum V. Calcini.

Ultima Calvini obiectio habetur in eadem sectione 18. ubi ex verbo Dei jactat se monstrasse, sine Confessione aut ejus voto, posse homines justificari: Non alia, inquit, nunc est peccatorum remissio, quam semper fuit. Quotquot remissionem peccatorum a Christo obtinuisse leguntur, non leguntur in auctor Sacrae Scripturae confesi, nec sane confiteri poterant, ubi nec Sacrificuli Confessionari erant, nec ipsa etiam Confessio: et multis postea saeculis inaudita fuit haec Confessio, quibus sine hac conditione remittiebantur peccata. Sed ne quasi de re dubia longius disceptemus, verbum Dei apertum est, quod aeternum manet: Quotiescumque ingemuerit peccator, omnium iniuriam eius non recordabor. Huic verbo, qui aliquid audet adiungere, non peccata ligat, sed Domini misericordiam.

Hec obiectio quatuor quasi membris continetur, que singulatim excutiendi sunt. Primum assumit Calvinus, non aliam esse nunc remissionem peccatorum, quam semper fuit, et quia Confessio auricularis non semper fuit, inde colligi vult, eam non esse ad justificationem impi necessariam.

Sed si hæc argumentatio aliiquid vere concluderet, non solum Confessio, sed etiam Baptismus in discrimen adduceretur: Nam ut Confessio, ita etiam Baptismus non semper fuit, et tamen scriptum legitim Joan. 3: *Nisi quis renatus fuerit ex aqua, et Spiritu sancto, non intrabit in regnum celorum* (1): quæ tempore legis veteris nusquam legebantur. Quare si nunc est remissio peccatorum, quæ semper fuit; aut Baptismus nunc necessarius non est, et Christus (quod absit) mentitur; aut ab initio saeculi, Baptismus ex aqua et Spiritu sancto necessarius fuit, quod nemo sane mentis dicere potest. Quemadmodum autem ex Evangelio demonstramus, nunc Baptismus ad remissionem peccatorum requiri, qui in lege veteri non requirebatur; quia scriptum est: *Nisi quis renatus fuerit etc.* sic etiam ex Evangelio demonstramus, Confessio peccatorum ad justificationem hoc tempore necessariam esse, quæ tempore Pa-

(1) Joan. III, 3. — (2) Joan. XX, 23.

trum Testamenti veteris necessaria non erat: quia scriptum est Joan. 20. *Quorum remisitis peccata, remittuntur eis, et quorum retinueritis, retenta sunt* (2). Quod in lege veteri scriptum non erat.

Deinde assumit Calvinus, eos omnes, quibus Christus peccata dimisit, sine Confessione auriculari justificatos fuisse; ex quo concludi vult; nunc etiam sine Confessione auriculari homines justificari posse.

Sed facilis est solutio, eaque triplex. Primum enim quo tempore Christus proprie vocis ministerio homines justificabat, non dum Sacramentum Confessionis instituerat: proinde nihil est mirum, si absque Confessione penitentes reconciliavit. Deinde Christus auctor Sacramentorum, a Sacramentis suis non dependebat, et ideo non modo sine Confessione, sed etiam sine Baptismo peccata interdum remittebat.

Denique Christus Deus erat, et ideo peccata contra se, suamque legem facta, simpliciter donare poterat: nos autem ministri sumus, neque ut Domini, sed ut Judges a Domino constituti, vel solivimus, vel ligamus: quare necesse habemus, causas diligenter expendere, et ex ipsa reorum Confessione dijudicare, quid in re tanta sit nobis agendum, ne forte perperam ligemus, aut solvamus, et dum hominibus peccata remittimus, Dominum offendamus.

Tertio Calvinus assumit, multis postea saeculis inauditam fuisse hanc Confessionem.

Sed hoc falsum esse, Calvinus ipse testatus est in hoc eodem capite §. 7. cum ait: «Miserere qua fronte ausint contendere, Confessionem, de qua loquuntur, juris esse divini: cuius equidem vetustissimum esse usum fatemur». Et quoniam id Calvinus non diceret, testimonia a nobis allata, Irenæi, Tertulliani, Origenis, Cypriani, et aliorum, ad quæ Calvinus respexit, cum usum Confessionis, de qua loquimur, vetustissimum esse confessus est, plane evincunt, falsum esse quod hoc loco idem Calvinus ait, multis saeculis post Christum inauditam fuisse hanc Confessionem.

Quarto denique adjungit verba illa: *Quotiescumque ingemuerit peccator omnium iniuriam eius non recordabor.* Ex quibus evidenter concludi existimat, sine Confessione aut ejus voto, remitti posse peccata.

Sed hoc argumentum adeo non timuit S.

Leo, ut in eadem epist. 91, ad Theodorum, hunc ipsum locum Ezechielis adduxerit, ubi paulo ante scripserat, Deum ordinasse, ut sine Sacerdotum supplicatione indulgentia divina nequeat obtinere. Et jure non venit in mentem S. Leonii, ut hoc argumentum timeret, cum noui ignoraret neminem esse, qui, ut oportet, ingemiscat, qui non cupiat ea remedium animae sue vulneribus applicari, quæ Deus pro temporum varietate instituit. Alioqui si simpliciter gemitus quicunque sufficeret ad salutem, non solum Confessio, sed etiam Baptismus necessarius non esset; addo etiam, sine fide, spe, et charitate homines justificandos; quis enim prohibet, quominus ob solum temporale damnum aliquis ingemiscat? Quemadmodum igitur in eo gemitu, cui salus a Deo promittitur, includitur fides, spes, charitas, peccati detestatio, et propositum vitae melioris, ita etiam Baptismus aut Confessionis votum ac propositum continetur; et sic non addit ad verba Domini, sed illi congruerter exponit, qui ad justificationem preferit gemitum, fidem, spem, charitatem, et alia que diximus, exigit; sic etiam non addit sed exponit, qui præter gemitum, votum Baptismi aut confessionis requirit.

## CAPUT XVIII.

## Dilexitur I. objectio Martini Kemnitii.

Martini Kemnitii in 2. par. Exam. pag. 976, et sequentibus multa argumenta contra necessitatem Confessionis adducit, que cum ex Calvinii Institutionibus fere deprompta sint, dissoluta videri possunt. Percurram nihilominus omnia, ut vel ea solvam, vel jam soluta esse ostendam.

Prima objectio habetur pagina 986, ubi hoc argumentum Kemnitius facit: « Non aliter Christus Apostolos misit, quam ipse missus fuerat. Joan. xx. *Sicut misit me Pater, et ego misso vos (1).* » At ipse ad generalem confessionem, vel ore, vel signis alius expressam, Absolutionem impetrabatur, neque singulorum peccatorum enumerationem exigebat, ut patet Luc. 7. de peccatrice, et Matth. 9. de paralytico: non igitur debent

(1) Jean. XX, 21.

Ministri a penitentibus exigere singulorum peccatorum enumerationem.»

Respondeo: verba illa: *Sicut misit me Pater, et ego misso vos*, non ita accipienda esse, quasi eodem modo debuerint Apostoli omnia facere, quo a Christo ipso fiebant: aliqui enim non debuissent, Auctor. II, Apostoli baptizare in remissionem peccatorum, quia Christus sine Baptismo peccata remisit Magdalene, et paralyticus; nec debuissent Act. 8. per impositionem manum Spiritum sanctum dare, quia Christus non manus imponendo, sed insufflando Spiritum sanctum dedit, Joan. 20.

Igitur misit Christus Apostolos, sicut ipse missus fuerat a Patre: quia potestatem eius dedit ligandi, et solvendi, ut ipse a Patre acceperat: quae est Chrysostomi expositio. Sed tamen accepit ipse ut Filius, et proinde tempore, ac tantam, ut posset etiam sine Sacramentis justificare: dedit autem eam Apostolis, ut ministris, ac servis, ac per hoc longe minorem, et Sacramentis, aliisque mediis a se institulis alligatum.

Misit etiam Christus Apostolos, ut ipse a Patre missus fuerat, quia ad id eos misit, ad quod ipse missus, videlicet ad reconciliando homines Deo, ad Evangelium praedicandum, et Ecclesiam propagandam; quae est expositio Cyilli.

Denique misit Christus Apostolos, ut ipse a Patre missus fuerat, quia misit eos, non ad delicias, sed ad crucem, licet vehementer amaret: quemadmodum ipse a Patre infinito amore diligebatur, et tamen ad passionem, et mortem, non ad mundi gaudia mittebatur: quae est explicatio S. Gregorii homil. 26. in Evangelia.

## CAPUT XIX.

## Dilexitur II. objectio Kemnitii.

Secunda objectio Kemnitii habetur pag. 1007, usque ad pag. 1014, ubi argumentum ducit ex historia Nectarii, cuius haec summa: « Confessio publica abrogata fuit, et mutata in privatam ab Episcopis, tempore Decii imperatoris, et postea. Confessio autem privata abrogata fuit tempore Nectarii.

## CAPUT XIX.

ri: igitur nec publica, nec privata Confessio necessaria est jure divino; neque enim sancti illi Patres jus divinum tollere ausi fuissent.»

Confirmat etiam hoc argumentum Kemnitius ex historia Socratis lib. 5. cap. 49, ubi legimus mulierem quamdam confessam esse Presbytero penitentiariori κατὰ μέσον, id est, ex parte: ex quo sequitur, non fuisse tunc necessarium, confiteri omnia peccata integræ jure divino. Confirmat rursus ex eadem historia, ubi legimus, unum fuisse Presbyterum penitentiarium in Ecclesia Constantinopolitana. Hinc enim colligimus, non fuisse necessarium eo tempore, ut singuli peccata omnia confiterentur; neque enim in tam ampla urbe, ubi erant 60 Presbyteri, tempore Justiniani, potuisset unus presbyter, tota tam longas Confessiones audire.

Respondeo: totum hoc argumentum ex imperitia coagmentatum esse. Nam quod primo loco Kemnitius dicit, Confessio publicam abrogatam fuisse tempore Decii ab Episcopis, falsum est, et ex ignorantia manifesta profectum. Nam quod Sozomenus scriptis juxta fidem Cassiodori in hist. Tripartita, lib. 9. cap. 35. visum esse sacerdotibus ab initio, ut peccata tamquam in theatro panderentur: refert Kemnitius ad ea tempora, que Novatianam heresim, et imperium Decii precesserunt. Deinde, vult istam constitutionem de publica Confessione facienda abrogatam fuisse ab Episcopis, qui fuerunt tempore heresim Novatianam, Decio imperante: et hanc esse appendicem illam, de qua loquitur Socrates.

Sed toto celo aberrat. Sozomenus enim cum dicit (juxta fidem Cassiodori) visum esse Episcopis, qui ab initio fuerunt, ut peccata tamquam in theatro panderentur, loquitur de constitutione facta tempore Novatianae heresim; non de aliqua alia priore: et hec ipsi constitutio, non autem hijs constitutionis abrogatio, est appendix, de qua loquitur Socrates; proinde tantum abest, ut tempore Decii fuerit abrogata Confessio publica, ut potius tunc primum fuerit ab Episcopis imperata.

Id autem ita esse probatur primo. Si Episcopi tempore Decii abrogassent Confessionem publicam, et solum privatam retineri voluissent, ut Kemnitius dicit, illa non fuisse appendix, sive additione ad veterem canonem, sed potius detractio, sive abrogatio veteris canonis. At vera fuit additione atque

appendix, teste Socrate, ut eam etiam vocat Kemnitius, quam Episcopi tempore Decii fecerunt: ergo non abrogarunt Confessionem publicam, sed eam potius addiderunt ad privatam.

Secundo si tempore Decii abrogata fuisse Confessio publica, non potuisset accidere scandalum tempore Nectarii ex Confessione, neque ulla fuisse causa cur Nectarius Presbyterum penitentiarium de Ecclesia tolleret: constat enim ex Socrate, scandalum illud ex publica Confessione mulieris natum esse.

Tertio, Sozomenus scribit, ab illis ipsis Episcopis constitutum fuisse Presbyterum penitentiarium, qui decreverant, peccata quasi in theatro publice esse pandenda. Sed Presbyterum penitentiarium constitutum fuisse tempore Decii, scribit Socrates: ergo decretum illud de Confessione publice facienda, ab Episcopis illis editum est, qui fuerunt tempore Decii, non autem ab antiquioribus, ut Kemnitius, sonniant.

Negue obstat, quod Sozomenus dicat, decretum, illud factum esse ab Episcopis, qui ab initio fuerunt: Nam qui fuerunt tempore Decii, dicuntur fuisse ab initio, quia proximi fuerunt temporibus Apostolicis, et multa antiquiores erant, quam esset Nectarius, qui decretum illorum sustulit, aut Sozomenus, qui sublatum retulit.

Quarto, Sozomenus scribit, decretum Episcoporum, qui ab initio fuerunt, quicque Presbyterum penitentiarum constituerunt, a Nectario abrogatum fuisse. Constat autem ex Socrate, a Nectario abrogatum decretum Episcoporum, qui tempore Decii Ecclesiæ gubernabant: idem igitur sunt Episcopi, qui ab initio apud Sozomenum, et qui tempore Decii apud Socratem fuisse dicuntur. Quare appendix, de qua loquitur Socrates, est ipsa constitutio, de qua loquitur Sozomenus, non autem ejus abrogatio, ut sine ulla causa fingit Kemnitius.

Porro hoc fundamento versio, ruit edificium totum argumenti Kemnitiani. Nam quod secundo loco Kemnitius affirmit, Confessionem privatam abrogatam fuisse a Nectario, falso nittitur fundamento, quod videlicet appendix ad veterem canonem, quam Nectarius sustulit, fuerit mutatio Confessionis publice in privatam. Praeterea cap. 14, demonstravimus contra Calvinum, Confessionem publicam, non autem privatam, a Nectario abrogatam fuisse.

Quod etiam Kemnitius dicit in confirmatione prima; mulierem quamdam confessam esse ex parte, non autem integrum: ex pervera interpretatione greca vocis natum est: illud enim *xxvii usq;*, non significat hoc loco, ex parte, sed particulariter, ut reddidit Joannes Christophorus omnium iudicio Graecis linguis peritissimum. Ex quo intelligimus, fomianam illam confessam ille in particulari omnia peccata, ut Catholicici faciunt, non autem generatim, ut faciunt Lutherani.

Quod denique in 2. confirmatione Kemnitius addit, non potuisse tot Confessiones ab uno Presbytero audiri, jam supra explicatum est in solutione 2. objectionis Calvinii cap. 14 ubi ostendimus, Presbyterum illum, non omnium penitentiam Confessiones audiare debuisse, sed eorum tantum, qui publicam Penitentiam agebant.

## CAPUT XX.

*Diluitur III. objectio Kemnitii, et simul objectiones Brentii.*

Tertia objectio Kemnitii, quae habetur pag. 1019, similiter a testimonio Patrum: ac praeter loca quedam S. Joannis Chrysostomi, ad quae responsum est supra cap. 14. adducit primo Cassianum, qui collat. 20. cap. 8. sic loquitur: « Quod si verecundia retrahente revelare coram hominibus erubescit, illi quem latere non possunt confiteri iugi supplicatione non desinas, qui et absque ullius verecundiae publicatione curare, et sine proprio peccata donare consuevit. »

Sed non potest dubium esse, quin Cassianus doctorem suum Chrysostomum secutus sit, et ideo in eundem sensum hæc ejus verba accipienda sint, in quem accipienda esse demonstravimus verba Chrysostomi cap. 13. quamquam Cassiani verba faciliter explicitur, cum nihil adjunctum habeant, unde excludi videatur Confessio privata. Quod enim ille dicit in numero multitudinis: « Si revelare coram hominibus erubescit, » ad Confessionem publicam pertinet, quae coram multis fieri solebat: quod autem adit, Deo esse confitendum, commode accipi potest de Confessione, quae fit Deo per sacerdotem. Nam circumstantie illæ: « Qui

et absque verecundiae publicatione, et absque improposito peccata donare consuevit, » satis aperte indicant, Confessionem illam notari ex qua publicatio, et impropterum sequebatur: quæ duo longe absunt a Confessione secreta, quæ fit uni soli, ut locum Dei tenet.

Secundo loco adducit Origenem, qui hom. 2. in Levit. emerat variis modis, quibus peccata purgantur, et inter eos ponit Confessionem, quæ fit sacerdoti: ex quo sequitur, ut licet Confessio peccatorum sacerdoti facta, sit utilis, non sit tamen necessaria.

Sed facile est responsio. Modi siquidem illi, quos eo loco ponit Origenes, non sunt omnes et singuli per se sufficientes ad peccati remissionem, sed plerique eorum includunt alios, saltem in voto: hi sunt enim modi, quos ille enumerat: « Baptismus, Martyrium, Eleemosyna, Injuriarum condonatio, Conversio peccatoris, Charitas, et Penitentia, sive Confessio. » Certum autem est, solam Eleemosynam, aut injuria condonationem, aut cetera, que ibi enumerantur sine Baptismo in re vel in voto, non sufficiere ad justificationem, licet suo modo juvent: et quemadmodum non baptizatis illa non sufficiunt sine Baptismo, ita etiam baptizatis illa non sufficiunt sine Confessione, in re, vel in voto. Denique observent Lutherani, inter tot modos ab Origene numeratos, nullum locum fidei esse tributum, cui soli tribuere solent ipsi justificationem: ex quo admittere vel invitum coguntur, nullum eorum modorum per se solum sufficere.

Huc referri possunt duo alia testimonia Patrum, quae omisso sunt a Kemnitio, sed citata a Brentio in Confessione Wirtembergensi cap. de Confessione.

Primum testimonium est Augustini lib. x. Confess. cap. 3. ubi sic legimus: « Quid mihi est cum hominibus, ut audiant Confessiones meas, quasi ipsi sanatori sint omnes languores meos: curiosum genus ad cognoscandam alienam vitam, desidiosum ad corrigendam suam? »

Sed hoc nihil est aliud, nisi simplicibus imponere: nemo enim libros illos legit, qui nesciat, Confessionem, de qua loquitur Augustinus, non esse Confessionem Sacramentalis, sed confessionem peccatorum præteriorum, ac per Baptismum dimissorum, ad finem institutam, ut inde cognoscatur et laudetur misericordia Dei.

Alterum testimonium est Ambrosii lib. x. in Luc. cap. 96, ubi sic legimus: « Petrus doluit, et flevit, quia ut homo erravit, non invento quid dixerit, invento quod flevit, lacrymas ejus lego. Satisfactionem non lego. » Et infra: « Lavent lacrymas delictum, quod voce pudor est confiteri. »

Respondeo primum, eo tempore nondum institutum fuisse Confessionem sacramentalem, ac per hoc nihil esse mirum, si Petri confessio non legatur. Dico deinde S. Ambrosius loqui de lacrymis, que Confessionem quamdam continent, ut cum quis convictedus erroris ab alio, non voce, sed lacrymis fatetur errorem. Sic enim S. Petrus, cum sciret Christo notum fuisse crimen suum, non voce, sed lacrymis confessus est: id quod omnino sufficit in Confessione, quæ fit Deo, qui omnia novit. Quod autem S. Ambrosius in lacrymis B. Petri confessio agnoverit, perspicuum est ex illis verbis: « Maluit Petrus suum accusare peccatum, ut justificaretur fatendo, quam gravaretur negando. Justus enim in principio accusator est sui: et ideo flevit. » Item ex illis: « Verecunda lacryma sine horre culpam loquuntur: lacrymae crimen sine offensione verecundia fatentur. » Quæ omnia accipienda sunt de Confessione quæ fit Deo, aut etiam homini, qui crimen antea noverint.

## CAPUT XXI.

*Solvitur IV. objectio Kemnitii.*

Quarta Kemnitii objectio habetur pag. 1024, ubi sex cause numerantur, ob quas Lutherani rejecerunt Confessionem, in qua enumerantur omnia peccata: « Haec est, inquit, vetus illa carnifica conscientia, quam gladio Spiritus Ecclesie nostræ excusserunt, propter multas gravissimas causas, Primo, quia imponunt conscientiis, cum nec Christi, nec Apostolorum, vel præceptum, vel exemplum habeat. Secundo, nullam in verbo Dei promissionem habet. Tertio, Evangelium transformat in legem: statuit enim remissione pendere enumeratione. Quarto, gratitudo condonationi substitutum meritum enumerationis, et Satisfactionis. Confessionem mer-

toriam esse ad culpæ remissionem, pœna diminutionem, paradisi aperiōnem, et salutis fiduciam, Scholastici expresse tradunt. Quinto, conscientiam adducit in dubitationem, et desperationem, scrupulosa illa enumeratio: videns enim se non posse omnia delicta colligere, nunquam aequiescit: dubitatio vero extinguit, fidem. Sexto, exigit rem impossibilem, constat enim plurima peccata nos, intelligere, nec meminisse, juxta illud, Delicta quæ intelligit. »

Respondeo; tam esse veras istas causas, quam est elegans illa sententia, quæ dicitur, carnifica gladio excuti. Ac primam quidem causam falsam esse, cognosci potest ex iis, quæ supra a nobis disputata sunt, ubi ex Evangelio, ex Actis Apostolorum et ex epis-tolis Pauli, Joannis et Jacobi, Confessionem deduximus omnium peccatorum.

Secundam causam falsam esse, testantur illa verba Domini Joan. xx: *Quorum remissio peccata, remittuntur eis, et quorum retinueritis, retentia sunt* (1). Neque enim (ut supra docuimus) scire possunt Sacerdotes, quæ peccata remittere, et quæ refinere eos oporteat, nisi peccata ipsa plene atque integre noverint. Item illa I. Jo. 1: *Si confitemur peccata nostra, fidelis est et justus, ut remittat nobis peccata nostra* (2).

Tertia causa calumniam manifestam, ac mendacium continet. Neque enim ita pendere remissionem ab enumeratione, Catholicici docent, ut nisi quis omnia peccata enumerare potuerit, reconciliari nequeat: si quidem facile potest accidere, ut vel proper obliuionem, vel propter ignorantiam, vix minimam partem surorum criminum quis aperiat, et tamen absolviatur, et vere absolutus creditur ab omnibus peccatis.

Neque vero Evangelium in legem convertit, quicumque conditionem alicuius operis exigit ad justificationem, nisi totum Evangelium negare velimus. Quid enim sonant verba illa: *Nisi quis renatus fuerit etc.* Joan. iii. et. *Nisi manducaverit carnem filii hominis etc.* Joan. vi. et. *Nisi Penitentiam haberitus etc.* Lue. xiii. et. *Si vis ad vitam ingredi serva mandata.* Matth. xix (3), et alia permulta, nisi conditionem? Deinde si Evangelium in legem converteret, quicumque dicaret remissionem peccatorum, pendere aliquo modo ab enumeratione, quæ fit in Confessione coram Sacerdote, in eundem errorem

(1) Joan. XX, 23. — (2) I. Joan. I, 9. — (3) Joan. III, 5; Joan. VI, 54; Lue. XXIII, 3; Matth. XIX, 17.

incideret, qui diceret, remissionem pendere ab enumeratione, quæ sit in confessione coram Deo. At hoc ipsum, ex doctrina veterum Patrum, disertis verbis affirmat Kemnitius pag. 982. ubi sic loquitur: « Dicunt Patres peccata confessione revelanda, in specie expendenda, curiosus discutienda, explicanda, detegenda, enumeranda: dicunt peccata solvi per Confessionem; impossibile esse salvare circa Confessionem. Sed Chrysostomus addit interpretationem; haec intelligenda esse non de externa Confessione homini facienda, sed de interiori, quæ sit Deo. » Haec illa.

Non disputo nunc, an sententia Patrum patiantur interpretationem istam, et num ad eam solam Confessionem pertineant, que Deo fit: sed tamen nemo, opinor, tam excors erit, qui non videat Kemnitium ex sententia Patrum id admittere, quod paulo post in Catholicis reprehendit, mirum remissionem ab enumeratione pendere.

Quarta causa similis est tertia. Scholastici enim Doctores tradunt quidem, multum conferre tum Confessionem, tum Satisfactionem ad salutem; sed nec dicunt, per Confessionem nos merezi remissionem peccatorum, nisi forte ex congruo, nec substituunt meritu enumerationis gratuitæ condonationi: haec enim mendacia Kemnitii, non Theologorum sententia sunt.

Porro encomio Confessionis longe majora extant apud Patres, quam apud ullos Scholasticos, ut mirum sit, Kemnitium ea in Scholasticis reprehendere, que negare non potest, multo umerius in antiquis Patribus inveniri. Ac ut pauca exempli gratia referam: S. Ambrosii est illa sententia lib. II. de Pœnitentia cap. 6: « Solvit criminum nexus verecunda confessio peccatorum, » S. Paciani verba sunt, in Paracesi ad Pœnitentiam: « Gehennam recordemini, quam

vobis exomologesis extinguuit. » S. Joannis Chrysostomi est illud homil. 20. in Genes: « Confessio peccatorum abolitio est delictorum, » qui etiam hom. 3. in Gen. antea dixerat, Confessio peccata lavari, et fiduciam salutis in fine præberi.

Ac (ut omittam cetera) nonne ipse Kemnitus paulo ante ex Patribus annotavit, peccata solvi per Confessionem, et impossibile esse sine Confessione salvare? Neque refert, quod Patrum sententias Kemnitius intelligendas esse velit, de Confessione, quæ sit Deo. Nam si gratuita condonationi repugnat virtus et efficacia, quam tribuunt Scholastici Confessioni, que fit Sacerdoti; repugnat etiam virtus et efficacia, quam tribuunt Patres Confessioni, que fit Deo: utraque enim Confessio est opus nostrum.

Quinta et sexta causa, quod illa enumeratione sit impossibilis, et ad desperationem adducat, jam supra refutata sunt, et rursus ex ipso Kemnitio refutari possunt. Nam si enumeratio in Confessione, qua coram Sacerdote facienda est, in desperationem adducit, et impossibilis est, idem profecto dici poterit de enumeratione in Confessione coram Deo, vel potius longe facilius desperabunt, qui coram Deo, qui falli nullo modo potest, omnia peccata enumerare debebunt quam ii, qui coram hominibus id facturi erunt.

Admisit autem Kemnitius pagina 982. peccata coram Deo in specie explicanda, enumera et confitenda esse, et circa istam Confessionem impossibile esse hominem salvari. Quare necessario jam cogitar, aut carnificiam illam, quam gladio spiritus excusisse jactaverat, amplecti, ac tueri: aut certe concedere, enumerationem, quam Catholici exigunt, neque impossibile esse, neque ad desperationem adducere, neque carnificinam nominari posse.

REPLICA  
AD CONTROVERSIAM DE  
CONTROVERSIARUM

## DE PŒNITENTIA

### LIBER QUARTUS

#### IN QUO DE SATISFACTIONE AGITUR.

Restat Satisfactio, quæ tertia est Pœnitentia pars, de qua breviter dissimus, tum quod haec disputatio fere pertineat ad locum de Justificatione, quem tomo 4. reservamus; tum quod Adversarii Catholicorum disputationibus erudit, aut convicti, multa jam concedant, quod attinet ad Satisfactionem, de quibus acerrime antea dimicabant.

Porro universa haec disputatio tribus partibus continetur. *Primum* enim explicandus est controversie status. *Deinde* quoniam statu controversiae explicato, quinque existent quæstiones, tractandas erunt singulae seorsum. *Postremo* dissolvenda erunt argumenta, quæ ab adversarii afferuntur.

#### CAPUT PRIMUM.

##### *Status controversie explicatur.*

Ut igitur controversia de Satisfactione intelligatur, animadvertisendum est, Satisfactionem nihil esse aliud, nisi actionem, quæ est alterum lasit, tantum facit, quantum satis est ad injuriam compensandam; sive quantum est quæ latus est, justè exigit.

Ex quo sequitur, ut non sit idem Restitutio, quod Satisfactio. Restituere enim, est cessare ab injuria, non injuriam factam resarcire: nam qui rem alienam invita Dominio retinet, tamdiu facit injuriam, donec rem illam non reddit. Adhuc restitutio recipit damnum ipsa illatum: Satisfactio personam injuria affectam, etiamsi illa dam-

num nullum acceperit. Quocirca Deo nihil restituī potest, cum ipse damnum nullum patiatur: potest tamen eidem satisficeri, cum injuria a nobis afficitur. Itaque restitutio in rebus Satisfactio in actionibus versatur: et restaurat iustitiam restitutio quoad aequalitatem rerum, ut cum ea quæ furto ablata sunt redduntur: restaurat Satisfactio iustitiam quoad aequalitatem actionum, ut cum ei qui alium contumeliam afficerat, ab eo veniam petat.

Quemadmodum autem iustitia, quæ in actionibus versatur, duplex est: ita duplex etiam est Satisfactio. Alia iustitia est, quæ versatur in absoluta, et perfecta aequalitate; ut cum tantum honoris unus alteri tribuit, quantum ejus dignitas absolute exigit. Alia est iustitia, quæ non consistit in perfecta, et absoluta aequalitate sed in aequalitate imperfecta, quæ ex pacto, aut donatione, vel acceptatione alterius pendet; veluti cum quis eum